

Caka - Agape Deftere Ceniinde - God's Love Letter Scriptures

Yahaya 15:9 Non no Nyaako Mo Dow yidiriym, non min maa e mi yidi'on. Njoodee
nder yidde am.

Icaaya 43:1,2 - Aafisanko'en 2:10 Yehowah wartirii'en ko ngonden jooni, barks
Yeesu Almasiihu o tagitake'en ngam kuwen kuude bodde de o yidi ngaden daga
arande.

Irmiya 1:5 - Galaatiyanko'en 1:15 Ammaa Yehowah, cubudoyam ko mi danyee,
noddiyam barks yidde maako, o subi wanginankiyam Biddo maako,

Yahaya 15:16 Naa' onon cubiyam, min subi'on hokki'on kuugal njahon ngadon
goddum dum Yehowah yidi tabitaydum. Nden Nyaako Mo Dow hokkay'on koo
dume dum toriidonmo nder inde am.

3 Yahaya 1:2 Gido am, e mi wadanmaa do'aare koo dume yahanmaa goddum
kebaa njamu bandu, non no andirmi sumpo maada e Yehowah e yaha goddum.

Icaaya 43:4 - 1 Biiturus 2:9,10 Ammaa onon dum lenyol ngol Yehowah subi, on
kawtal ardiibe diina kuwanoobe laamiido mawdo, yimbe ceniibe, be Yehowah
jeyi. O subu'on ngam nga'ajinon habaru kuude maako kaydiniide. O wurtinoy'on
nder nyiwre ngam natton jayngol maako kaydiniingol. 10 Ndenno naa' on yimbe
Yehowah, ammaa jooni on yimbe maako. Ndenno on kebaayi yurmeende
maako, ammaa jooni on kebii.

Irmiya 31:3 - Aafisanko'en 1:4 Ko duuniyaaru tagee, Yehowah subii'en ngarten be
maako barks Yeesu, ngam ngarten ceniibe be ngalaa tobbel hakke yeeso
maako.

2 Timooti 1:9 Kanko hisni'en, noddii'en ngam ngarten yimbe maako kuwen kuugal
maako. O wadu non naa' ngam goddum goddum dum ngadden, ammaa non o
yidiri fii dum wadoroo e yidde nde o holli'en nder Yeesu Almasiihu ko
duuniyaaru tagee.

Yahaya 3:16 Ngam yidde nde Yehowah yidi duuniyaaru haa o hokkii Biddo maako
bajjo, ngam koo moye kooliidomo to' halka ammaa heba yonki ki re'ataa.

Yuuca'u 11:8; Icaaya 49:15,16; & Icaaya 41:13,14

Luka 12:32 "Onon ornde am pamarde, to' on kulu, ngam Nyaako moodon Mo Dow
e nana beldum hokkuki'on laamu muudum.

Maatiyu 28:20 on ekkitinabe be tokka koo dume ko mbiimi'on ngadon. Radsum, e
mi wondi e moodon koo ndeye haa re'uki duuniyaaru."

Yahaya 14:1 Yeesu wi'ibe, "To' on ngannu nder berde moodon, koolee Yehowah,
kooleeyam.

Jabuura 23:1 - Yahaya 10:11 "Min woni gaynaako boddo. Gaynaako boddo e
hokka yonki muudum ngam baali muudum.

Jabuura 23:2 - Wahayu Yahaya 7:17 Ngam Karoori ngondi caka joodorgal laamu
ngal ndi wartay gaynaako mabbe. Nden ndi yaaraybe to ndiyam yonki bulirotya.
Yehowah boo moytanaybe fuu gondi mabbe."

Jabuura 23:3,4 - Luka 1:79 ngam o yeeyanoo wonbe nder nyiwre e nder kulol
mayde, dum tokkinay koyde meeden dow laawol jam."

Jabuura 23:5,6 - 2 Korintiyanko'en 1:10 Kanko hisnimin daga mayde kallunde, o

nyamray yeeso e hisnukimin. Dow maako min ngadi kammunde o hisnaymin kadin.

Filibiyanko'en 4:7 Nden jam dum Yehowah hokkata yabbiidum faamu neddo dum suray berde moodon e nyumo moodon ngam on cumpootira e Yeesu Almasiihu.

Misaalu 3:24 & Jabuura 4:8 - Yahaya 14:27 "Jam woni ko aldumi'on, jam am kokkumi'on. Mi hokkii'ondum naa' no yimbe duuniyaaru kokkirta. To' on alu berde moodon nganna, to' on kulu.

Jabuura 33:18 - 1 Biiturus 3:12 Ngam Joomiraawo e faamana goodube aadilaaku, e mo nana do'aaje mabbe, ammaa e mo wanya kuwoobe ko halli."

Roomanko'en 5:2 Barka maako kebuden laawol hebuki du'um caahu Yehowah dum gonden nder jooni. Donmaa en mbelmbelta ngam en tabbitinii Yehowah hollay'en teddungal muudum.

Icaaya 55:12 - Luka 19:40 O wi'ibe, "E mi wi'a'on, to be nde"itii, kaaye de'e mantay Yehowah e sembe."

Yahaya 16:22 Non dum woni to moodon. Jooni dum carel ngel nanoton nawdum bernde, ammaa mi fudditay mi yi'a'on, nden on mbelmbeltay. Walaa baawaydo ittana'on beldum bernde.

Luka 12:9 Ammaa ganyudoyam yeeso yimbe, mi wanyaymo yeeso malaa'ika'en Yehowah.

Maatiyu 10:30 Koo gaasa ko'e moodon maa fuu ka limaama.

Icaaya 54:10 - Maatiyu 24:35 Dow e ley yabboto, ammaa bolide am yabbataako haa abadaa.

Maatiyu 11:28-30 "Ngaree to am on fuu dondiibe donje teddude, mi hokkay'on siwtaare. 29 Tokkee ko mbi'aymi'on. Ekkitee to am, ngam e mi woodi hakkiilo, mi lestindo hoore, nden berde moodon mbaltoto. 30 Ngam ko mbiimi'on ngadon dum sadaa waduki, nden dongal am teddaa."

Gimol Suleymaanu 2:10 & Yuuca'u 2:14,19,20

2 Korintiyanko'en 11:2 E mi haaja'on no Yehowah haajirta'on. Mi wadanii'on alkawal teegal e gorko go'oto, waato Almasiihu. E mi yidi mi yaara'on to maako bo debbo ceniido mo andaa gorko.

Gurtaaki 3:14 - Ibraaniyanko'en 13:8 Yeesu Almasiihu e don no wontindiri keenya e hande e haa abadaa.

Yuuca'u 13:4 - Kuude Lilaabe 4:12 To maako tan kisndam hebetee, ngam walaa wonde inde feere nder duuniyaaru nde Yehowah hokki nde dum hisirta to naa' inde Yeesu."

Yahaya 15:14 Onon ngoni higoobe am to on ngadii ko mbiimi dum wada.

Yahaya 14:6 Yeesu wi'imo, "Min woni laawol, min woni goonga, min woni yonki. Walaa jahaydo to Nyaako Mo Dow sey to tokkiiyam."

Wahayu Yahaya 3:20 Rammi darii e dammugal e mi silminoo. Fuu nando hononde am, mabbiti dammugal, mi nattay mi nyamdu e maako kanko maa e am.